

*Mientras cu den fin di siman a detene otro sospechoso mas*

## Na hospital mester a reanima victima di tiroteo durante operacion

*Problema di tiramento a cuminsa cu pelea na scol*



**SANTA CRUZ** – Mientras cu diabierna a detene un sospechoso y diasabra otro, actualmente ta buscando e fugitivo Edmond Lo-A – Njoe naci na Aruba dia 27 di October 1987.

### REANIMA VICTIMA

E situacion di e victima di tiro na Santa Cruz, esta Jeanmark Koolman entre tanto ta stabil pero durante operacion na dado momento mester a reanim'e ya cu e no tabata reacciona mas. Danki Dios cu el a reacciona y asina a trat'e pa e heridanen di bala cu el a sufri.

Diabierna ora di e incidente

tabata ser papia di cuater impacto di bala pero en realidad ta dos y ambos a causa dañonan serio na Colman. Bon Dia Aruba por a compronde cu e tiro den cara lo a kibra su cashi di wowo y tambe a afecta su nanishi y lip parti abou. E otro bala entre otro a perfora su pulmon y hasta rasca un adar. Esei ta haci cu Colman tabata den un situacion hopi serio pero awor ta stabilisa. Miembronan di Recherche a bay bishit'e pa papia cun'e. No ta conoci si ya caba e ta den estado pa duna un declaracion.

E otro victima Jonathan Thiel a wordo atendi y su situacion tambe ta stabil.

### PROBLEMA A CUMISNA NA SCHOL

Informacion cu Bon Dia Aruba a haya for di vocero di Polis ta muestra cu e tiramento na Santa Cruz tabata e cluminacion di un problema cu a cuminsa na scol di EPB Santa Cruz. Diabierna pa 11.45 polisnan di Santa Cruz ta bai na Scol EPB na Santa Cruz pa un pelea. Na yegada polisnan ta papia cu un par di mucha di e scol, kendenan a bisa cu un par di hende den un auto preto

a yega einan y kier a bringa. Nan no sa e tipo di auto y no sa cual direccion e auto a bai. Locual nan sa, cu no ta trata di alumnonan di EPB.

Un rato despues polisnan ta bai na haltura di Botica Central, pa un caso di bringamento. Ora cu polisnan a yega na e sitio, e bringadornan a bai atrobe. Un testigo a bisa Polis cu un grupo di hoben, arma cu cuchiu, bate y piedra a baha for di un auto y a bai riba e studiantenan di EPB. A start un discusion cu casi a caba den un bringamento. E auto tabata un Starlet oraño cu hood preto, numbera A-40737. Polisnan a papia cu un di e studiantenan, y el a reconoce algun di e hobennan den e auto, como Kenny y Kevin. Un famia di e dos hombernan aki cu tabata den e grupo di scol a bisa e muchanan pa no preocupa cu e dos hendenan ei, como cu nan cabes no ta bon. Nan

di candela na e sitio. Ta trata aki di un arma caliber 38 cu un di e personanan cu tabata sinta bou di e mata tabatin cune pero aparentemente no a tira cu esaki.

### AUTO CONFISCA

Recherche ta investigando e caso. Despues polisnan a bai na un cas na Boton, na unda a haya e starlet oraño. Einan nan ta papia cu e homber R.K., kende tabata chofer di e auto. El a bisa polis cu el a baha e un tal Kenny y su amigo banda di Ex Bar Jose. Polis a hibe warda pa e duna declaracion y tambe a confisca e auto.

### DETENCION DI DOS SOSPECHOSO

Mirando e seriedad di e caso aki, Fiscal a duna autorisacion pa busca e homber Edmond Lo-A – Njoe naci na Aruba dia 27 di october 1987, pa intento di asesinato, posicion di arma di candela, maltrato cu arma. Tambe e homber Kevin Thiel



a bisa cu nan ta buscando un tal Roderick, pa cual ya tin un caso di menasa entrega.

### ARMA CALIBER 38 CONFISCA

Pa 1.40, di merdia, polisnan ta bai na ex Bar Jose pa un tiramento. Ora cu polisnan a yega nan ta haya dos hoben tira, uno na cara y na pecho. Polisnan a haya nan benta abou ta sangra. Un testigo a declara cu ta personanan den un auto oraño a los tiro riba e hobennan sinta bou di palo. E ta bisa cu el a reconoce e homber Lo-A-Njoe entre e otro dosnan. E otro victima tabatin tiro na su pia. Polisnan a haya un arma

naci na Aruba dia 27 di juni 1987, pa posicion di arma.

Ta asina cu diabierna atardi a logra detene Thiel y diasabra a logra detene otro sospechoso mas cu tabata den e auto. Awor Polis ta buscando Lo-A – Njoe, kende ta ser considera peligroso.

Bon Dia Aruba por a compronde cu Polis tin sospecho cu ta armanan potente esnan den e auto tabatin. Esei ta haci cu Polis ta debidamente prepara pa momento cu mester bay detene Lo-A-Njoe. Seguramente lo bolbe haci uso di Arestatie Team ora e situacion presenta.